



34
3

OMINA ET VOTA,
QVIBVS,
CALENDIS IPSIS IANVARIJ,
ANNI POST CHRISTVM NATVM
M DCC XXIII,
VIRIS
PERILLVSTRIBVS,
REVERENDISSIMIS,
GENEROSISSIMIS,
ATQVE
EXCELLENTISSIMIS,
INCLVTI DVCATVS MAGDEBVRGICI
ORDINIBVS
LONGE GRAVISSIMIS
AVSPICATVM ET FAVSTISSIMVM
IN
NOVVM ANNV M INGRESSVM
DEVOTA MENTE GRATVLANTVR,
MENSARVM MAGDEBVRGICARVM
PROVINCIALIVM
ALVMNI.

HALAE MAGDEBVRGICAE,
Typis CHRISTIANI HENCKELII, Acad. Typogr.





Ruffia, quæ mittis certantia succina gem-
mis,
Vteris atque tui fido tutamine REGIS;
Marchiacæ terræ, quas diligit ipse MO-
NARCHA

Supremi cæli; cumulat quas munere pacis;
Partheniopyrgi tellus, adamata IEHOVÆ,
Et REGIS nostri clementis nobile agalma;
Halenses Musæ, quæ Pindi culmina nostri
Incolitis, nec non diuinas Palladis artes,
Queis regitur mundus, per mundum, qua patet ille,
Spargitis; ad superos famam defigitis axes;
Quin omnes, queiscunque salus est publica cordi,
Vnanimes fitis præsto, & bona dicite verba:
Dicite gratantes, gratantes dicite cantus;

OMINA fausta simul io! pandite carmine grato,
Et pia VOTA DEO depromite mente parata:

Annua nam nati redierunt tempora CHRISTI;
Mensibus exactis completur circulus anni,
Solemnisque dies, rutilis signanda pyropis,
Aduenit, & suadet Iani celebrare Calendas.

Dicite gratantes, gratantes dicite cantus,
OMINA fausta simul io! pandite carmine grato,
Et pia VOTA DEO depromite mente parata:

Nam sine fine nouus BRENNORVM vicitat
ordo;

REX noster viuit, (viuat feliciter ILLE!)
Qui virtute valet, nec non pietate Sionis
Moenia firmato tanquam fundamine seruat;
TVTANVS noster diuino NVMINE fortis
Flore nouo floret, (vigeat, vireatque per æuum!)
Iustitia CUIVS virtutum præmia florent,
Ac depelluntur vitiorum fœda venena;
Dilectæ patriæ viuit PATER almus, & HEROS,
Qui semper vigilat nostræ pro flore salutis,



Quo pax, atque fides, & publica commoda regni
Omnibus in terris maneant, perstentque perenne.
Dicite gratantes, gratantes dicite cantus;
OMINA fausta simul io! pandite carmine grato,
Et pia VOTA DEO depromite mente parata:
Vifitat, & floret REGIS castissima CONIVX,
Filia celsa IOVIS, qui iusto iure Britannos
REX regit, & nomen transfert per climata mundi,
HAEC pietate nitet; precibus facit IPSA benignum
Et Numen nobis, & REGIS pectora mulcet,
Innumerasque DEAS tantum virtutibus altis
Exsuperat, quantum Veneris pellucida stella
Excellit reliquas, aut quantum candida Phoebe
Sidera deuincit pleno splendore coruscans;
ILLA, inquam viuit, (viuat feliciter ILLA,
Et cum REGE SUO cunctos REGINA per annos
Floreat, & vigeat!) Viuit quoque regia PROLES;
Nec celsæ STIRPI desit generosa propages,
In freta dum fluuii current, dum montibus vmbrae
Lustrabunt conuexa, polus dum sidera pascet!
Dicite gratantes, gratantes dicite cantus;
OMINA fausta simul io! pandite carmine grato,
Et pia VOTA DEO depromite mente parata:
Non modo REX viuit; viuit REGINA sacrata;
Chara DEI SOBOLES, Prussorum gloria REGIS
Flore viget viuens in gaudia mille PARENTVM;
Hinc & venturo gaudebunt omnia sæclo:
Ast etiam viuunt cœlesti munere sani
DVCATVS huius PROCERES, firmissima fulcra
Nostræ telluris, quibus instant commoda REGIS
Atque salus populi, ceu cœlum sustinet Atlas,
ILLVSTRES DOMINI, nati de sanguine claro,
Antiquum generis quorum conduplicat alta
Ex cœlis virtus iubar, & cita fama patentes
Per partes orbis transportat ad vltima terræ,

Et simul æternis infert, & collocat astris;
ILLI, inquam, viuunt felices REGE benigno,
Et quibus augusto iussu commissa potestas,
Ac regimen patriæ, nec non bona cura SIONIS;
Sunt, quibus assiduus labor est ornare Camenas,
Et Sophiæ tectam nostram seruare palæstram,
Dicite gratantes, gratantes dicite cantus,
OMINA fausta simul io! pandite carmine grato,
Et pia VOTA DEO depromite mente parata:
Namque VIRIS tantis saluis sunt omnia salua,
Et magis augetur res, & bona commoda regni;
Gaudia, prosperitas nos cingent; Paxque salusque
Nos exornabunt tanquam diademate pulcro,
Flore bono iustum floret; Lis, visque, dolusque
Deseret adfictas per tot iam sæcula terras.
OMINA nec fallent, quæ carmine pandere grato
Hactenus audemus: PROCERES super æthera clari,
Dum magno socias geritis cum PRINCIPE curas,
Non dubitare decet. Summus modo RECTOR Olympi,
Confilii VESTRIS adsit, pariterque gubernet
Conatus omnes! VOBIS modo sæpe recurat
Candidior, meliorque dies sacrata calendis
Bifrontis Iani; quotiesque illuxerit ortu
Illa nouo, pariat VOBIS noua gaudia cordis,
Atque augmenta ferat, stabilem vitæque vigorem!
Sint procul ærumnæ, corpus quæ sanguine priuant;
Omnia sunt procul mentem tristantia fata!
Sic nos vnanimis NVMEN cæleste precamur;
Sic REGIS terræ, sic commoda cuncta virebunt
Partheniopyrgi; sic Pindi culmina nostri
Undique florebunt; sic stemmata VESTRA per annos,
Illustres PROCERES, cunctos, laudesque manebunt;
Sic nos pro VOBIS pia fundere vota IEOVÆ
Pergemus, nostros dum spiritus hos reget artus.

2°

Gb 956,

ULB Halle
001 594 781

3



St 2

Walter Becker
Buchbinderei
Halle, Thüringer Str. 24

WOM



34

OMINA ET VOTA,

QVIBVS,
 OIS IPSIS IANVARII,
 CHRISTVM NATVM
 OCC XXIII,
 VIRIS
 VSTRIBVS,
 ENDISSIMIS,
 ROSISSIMIS,
 ATQVE
 LENTISSIMIS,
 VCATVS MAGDEBVRGICI
 DINIBVS
 NGE GRAVISSIMIS
 TVM ET FAVSTISSIMVM
 IN
 NNVM INGRESSVM
 MENTE GRATVLANTVR,
 MAGDEBVRGICARVM
 ROVINCIALIVM
 ALVMNI.

AE MAGDEBVRGICAE,
 TIANI HENCKELII, Acad. Typogr,

